

Augustin Balthasar von

**Programma Qvo Augustinus De Balthasar J. U. D. et Prof. Ordin. Fac. Jurid.
Senior ... Ad ... Domini Georgii Christophori Mayeri J. U. Candidati Disputationem
Inauguralem de Remissione Mercedis in Locatione Prædiorum Rusticorum ob
ingens damnum ex Lue Pecorum Conductorum contingens. D. XV. Julii MDCCLI. B.
C. D. Habendam ... Invitat : Simulqve In Recensendis Vitis JCtorum
Gryphiswaldensium Pergit**

[Greifswald]: Imprimebat Hieronymus Iohannes Struck, [1751?]

<http://purl.uni-rostock.de/rosdok/ppn877346860>

Druck Freier  Zugang





N. N. — 2 (137.)

1. Handwritten von jährlicher Camerung, der unter dem Namen Colletorum historia et juris patrii vellican Reifendae Gabriel Spalt. griff.
2. Handwritten von Johann Spalt Gabriel Spalt, unter dem Namen Collectorum historia et juris patrii. Griffendae
3. Fida, gestalt bey der Abschied der Graffen von Pothus, nun Balthasar.
4. Die Mittel u. Urprung der Balthasar imen Archidamus so min vungtin die die Saafun der Pothus unterfland. nun Balthasar.
5. Handwritten von jährlicher Thigandine und vudand nildon Handwritten, valse zu Griffendae der Archidamus griffend.
6. Balthasar, de legato.
7. Balthasar, de eo, quod justum est circa mystias
8. Balthasar, program ad Haffelberg disputat: de contractibus et act. honesti fidei et Ho. juris.
9. Balthasar progr. ad Stammann disput. de prerogativa juris germanici praesure romano, in materia pactorum dotalium.
10. Balthasar progr. ad Fischer diss. de pecunia asseruatiouis in contractu locatiouis cond. solute, eiusque in Concursu Crediti iure.
11. Balthasar progr. ad Dyen diss. de usufructu paterno in Iudic. familiarum Familias.
12. Balthasar progr. ad Rudol. diss. de indole genuina simultaneae I. Germ. investiturae cum longobardica collatae.
13. Balthasar progr. ad Heff. diss. de iure principis circa baptismum.
14. Balthasar progr. ad Balthasar diss. de iure peregrinorum singulari in processum.
15. Balthasar progr. ad ab Joen diss. de vi matrimonii consummati.
16. Balthasar progr. ad Schomer diss. de libris s. matriculis ecclesiasticis et c.

17. Balthasar, progr. ad diss. Meybergii, de jure usus in concursu
su creditorum J. Libenig. in eadem classe integre adjudicandis.
18. Balthasar progr. ad diss. de Paltenii, de favore depositi.
19. Balthasar progr. ad diss. Meyeri, de remissione in mercedis
in locatione praediorum rusticorum abingens damnum ex
huc pecuniarum conductori contingens.
20. Balthasar progr. ad diss. ~~Philippi~~ Schuffelii, de successione
ab intest. ex jure Libenig.
21. Balthasar, progr. ad diss. Balthasari, de origine fluminum
in genere, praecipue ablatum in pomerania horumque in
Dale.
22. Balthasar, de poena adulterii.
23. Westphal et Balthasar de serenissimorum ducum pomeraniae
meritis in rem literariam.
24. Balthasar de intellectus facultatibus ad voluntatem Dei spi-
ritus sancti ductu componendis.
25. Balthasar, de voluntate aut Angelorum sanctitatem.
26. Balthasar, de justificatione non physica sed poenali ad
dictum satisfactionis Christi pie celebrandum.
27. Balthasar de chetificatione spiritali.
28. Balthasar de diebus gentium tutelariibus ex antiquitate quae-
dam.
29. Balthasar en, et quatenus illud restauratae humanae
salutis medium ratione investigari possit.
30. Balthasar, de locis religiosis.
31. Balthasar, de linguae usu et abusu morali.
32. Balthasar, progr. ad Christum archangelis in creati
michaelis.

PROGRAMMA

QVO

19. 72
AUGUSTINUS DE BALTHASAR

J. U. D. ET PROF. ORDIN. FAC. JURID. SENIOR ET H. T. DECANUS
REGII CONSISTORII ET R. SOCIET. TEUT. GRYPH. DIRECTOR

AD

PRÆNOBILISSIMI ATQVE DOCTISSIMI

DOMINI

GEORGII CHRISTOPHORI

MAYERI

J. U. CANDIDATI

DISPUTATIONEM INAUGURALEM

*de Remissione Mercedis in Locatione Præ-
diorum Rusticorum ob ingens damnum ex Lue
Pecorum Conductori contingens.*

D. XV. JULII MDCCLI.

B. C. D. HABENDAM

MAGNIFICUM DN. RECTOREM

GENEROS. REGII DICASTERII DN. DIRECTOREM
ET UTRIUSQVE ILLUSTRIS COLLEGII,

NEC NON

AMPLISSIMI COLLEGII SENATUS PROCERES
ET VENER. MINISTERII ANTISTITES
ILLUSTREM, GENEROSAMQVE CIVIUM ACADEMICORUM
COHORTEM

EA, QVA DECET HUMANITATE, INVITAT

SIMULQVE

IN RECENSENDIS

VITIS FACTORUM GRYPHISWALDENSIUM
PERGIT.

IMPRIMEBAT HIERONYMUS IOHANNES STRUCK.

172

PROGRAMMA

170

AUGUSTINUS DE BALTHASAR

AD ET REG. ORDIN. FAC. JUR. SENIOR ET ALI. T. DECANUS
RECTORIUM ET A. SOCIET. TEUT. GRÆV. DIRECTOR

AD

PRAECIBUS ATQVE DOCTISSIMI

DOMINI

GEORGII CHRISTOPHORI

MAYERI

PH. D. CANDIDATI

INSTITUTIONUM IN AURUM

de Reipublice Mercedis in Laetitia Prae-

terium Publicum ob magis hauriam ex Lac

Præsent. Causa i. coningens.

PH. D. JURISPR.

R. O. D. HANNOVERIAE

MAGNIFICI DIRECTORUM

GENEALOGICIS INSTITUTIONUM DIRECTORUM

ET UNIVERSITATIS COLLEGI

PH. D. NON

AMPLISSIMI COLLEGII STREITZII PROCESSES

ET VENER. MINISTRIUM ARTIUM

ILLUSTRIUM GENEALOGICARUM ET ACADEMICORUM

COMITUM

PH. D. DECT. HUMANITATIS INVIAT

PH. D. NON

IN REIPUBLICA
PH. D. STREITZII GENEALOGICARUM ACADEMIUM

PH. D.

PH. D. STREITZII GENEALOGICARUM ACADEMIUM

Cum, Vir Prænobilissimus atque Doctissimus Dn. GEORGIUS CHRISTOPHORUS MAYER, postquam in Academia patria aliisque exteris per varias disciplinas animum circumtulerat, ad patrios Lares redierit, per aliquot annorum intervallum, connivente Facultate nostra, prælectionibus privatis, tam philosophicis, quam juridicis, Studioforum animos, non sine Auditorum suorum applausu, erudiverit, ut suo jure hanc facultatem sibi propriam faceret, ante biennium fere consilium cepit, nomen suum Facultati profitendo summos in jure honores, qui eandem facultatem secum ferunt, ambiendi; quibus adipiscendis, cum exantlato laudabiliter examine rigoroso, dignus judicatus fuerit: nunc, ut ceptum ante aliquot tempus consilium effectum daret, Statutis Facultatis nostræ ita exigentibus, publicum eruditionis suæ specimen, quod ab utilitate & præsentis usu se se commendat, eruditorum judicio & examini proposuit; cui, ut eo majorem favorem & frequentioris præsentiam eruditorum conciliem, solenni Programme, pro more recepto, curriculum vitæ Dni mei Candidati succincte exponam & cujusvis boni judicio subjiciam.

Priusquam vero manum huic rei admoveam, vestigiis prioribus insilens, quasdam VITAS ICTORUM ac PROFESSORUM, in Academia nostra olim florentium, præmittere & cum publico communicare operæ pretium esse dæxi; Sequitur autem in ordine

XIX. JOACHIMUS SCHINCKEL (*)

Nobilis Rugianus, J. U. D. & Prof. nec non Consil. Principis.

a 2

In

(*) Singularem eminentiam gradu emittit circa annum 1513. ENWALDUS SCHINCKEL, Gryphiswald. & Nob. Pom. S. S. Theol. Doctor & Abbas Hildensis, de quo *Annal. Acad.* sub Rectoratu hujus anni L. II. p. 120. sequentia referunt: *Venerabilis in Christo Pater & Dominus, Dn. Enwaldus, misericordie divina Abbas in Hilda, cui Universitas, propter beneficia per Antecessores eidem præstita, intitulationem remisit, i. e. er ist unsonst inscribiret worden.* Quemque Universitas eod. a. die St. Lucae, Evangel. concorditer pro Universitatis incremento, ut verba sonant, in Rectorem elegit, v. *Annal. c. I. p. 121.* ubi Ordinis Cisterciensis Abbas & Universitatis Subconservator salutatur; Rectoratus munus autem per præcedentem Rectorem *Lic. Wichmannum* conti-

In *Annal. acad. L. II. fol. 281.* notatumprehendimus JOACHIMUM SCHINCKELIUM, nobilem, qui a. 1681. sexto Julii in Notarium Academiae receptus fuit. Hunc nostrum fuisse, exinde parum videtur vero simile, quia hic a. 1585. Wittebergae commoratus ibique disp. de *jure dotium* ventilavit. Hoc certum, testantibus *Annal. c. l. f. 297. b.* nostrum a. 1586. Rectore BALTHASARE RHAU in locum ALBERTI WACKENITZII, in aulam avocati, de voluntate & consensu Principis in numerum Professorum, praestito juramento usitato, receptum esse, qui & mox sequenti Reſtoratu in numerum Professorum juris ibidem ultimo loco num. 5. annotatusprehenditur. Ast, ex aliis actis academicis ejus aetatis apparet, eundem saltem in Professore juris extraordinarium cooptatum fuisse, & Academiam ipsi locarium annuum sex florenorum suppeditasse.

Præterea in Libris *Annal. Acad.* ne nomen quidem ejus occurrit, ita, ut nec sub Reſtoratu DAN. RUNGII a. 1596. ubi nomina Professorum ordine designata sunt, existet. In actis tamen acad. de 1601. occasione litis, quæ ipsi cum Academia de ædibus, quæ juniore Jcto usui inservire solent, prope Templum St. Nicolai versus occasum sitæ, intercessit, (*) apparet: eundem quidem ob negotia Principis, cui a consiliis fuit, frequenter ab hinc ab

nuatum fuit. v. *Annal. l.* Hodienum familia SCHINCKELIORUM in Civitate Sundensi floret. b. MIGH. GERSCHOV. in *Catalogo Patronorum, Fundatorum, Reſtorum & Professor. Acad. Gryph. num. 180.* mentionem facit *Johannis Schinckelii*; Verum, præter nomen nil quidem de eo refert; nec quoque ego in *Annal. Acad.* inveni quemquam *Schinckelium* hujus Prænominis; Ideo colligo, eundem indigitasse nostrum JOACHIMUM, cujus quoque parce admodum in *Annal. acad.* fit mentio.

(*) Primum hæc ædes a. 1600. converso ex Judaismo, qui cauponam exercebat, & deinde a. 1601 compactori librorum inhabitandi causa concedebantur, donec tandem eodem adhuc anno viduæ VALENT. BONOVEM, natæ de SCHWERIN, quæ 300 florenos in usum Academiae & ad sumtus reparationis offerebat, ad dies vitæ fuerunt concessæ. Quibus vero litibus hanc ob causam SCHINCKELIUS, qui dispositionem harum ædium sibi vindicabat, cum Academia implicitus fuerit, recensui in *der Hist. Nachricht von den akademischen Gebäuden und Häusern, bey Gelegenheit des im Jahr 1750 den 21 April eingeweyheten Collegii academici im Druck gegeben, pag. 49. not. 45.*

V

abfuisse, interim tamen dispositionem super ædes hæc sibi adhuc eo tempore arrogasse; unde colligendum, eundem tunc temporis adhuc officium Professoris sustinuisse. Quorsum autem ab hinc se contulerit, & diem suum obierit supremum, me plane fallit.

Jo. HEUNIUS in *Prosopographia metrica Profess. Acad. Gryph.* sequentia in memoriam meritorum suorum consignavit.

Et schola nostra tibi ac pariter Ducis aula placebat,

Inde doces leges consiliisque juvas.

Præter allegatam Disp. ejus, quæ Titulum gerit: *Axiomata de Jure dotium, ad disputandum proposita a JOACHIMO SCHINCKEL, Pomerano, Witteberg 1584.* & unius saltem plagellæ est, nulla alia ejus scripta inveni.

XX. JOHANNES OESTENIUS s. von der Osten,

Nob. Pom. J. U. D. & Prof. & Consil. Principis.

Natus fuit a. 1556. in perantiquo Pomeraniæ oppido Demmino, Patre MRLCHIOR, Consule ibidem & Matre ANNA EGGBRECHTS, Patritia Deminensi, Avo JOHANNE, itidem Consule ibidem & Avia ANNA NEZOVIA, e domo Cagenow. v. M. *Gerschov. c. l. n. n. 123.*

Postquam pietatis & primarum artium initia percepisset, studiorum gratia missus est ad Academiam *Gryphiswaldensem*, & diligentiam, modestiam ac timorem Dei, in ipso ea ætate lucentem, mirifice probavit omnibus, & Philosophiæ ac juris initia fideliter didicit. Erat ingenio acri & expedito, amans laboris, moribus compositis & placidis, ita, ut omnium favorem sibi conciliaret. Ut in doctrina juris majores progressus faceret, ad Academiam Juliam *Helmstadiensem*, & inde *Wittebergam* se contulit, ubi annos aliquot, non tantum discendo, sed etiam alios docendo, tantum profecit, ut omnium ejus Facultatis eruditorum testimonio non modo summis Philosophiæ honoribus, sed etiam publico docendi loco in celeberrima ista Universitate dignus haberetur, nisi amore Patriæ eidem potius, quam alienis operam navandam censuisset.

Vocatus enim a Duce ERNESTO LUDOVICO ad Scholam
a 3
Gryphis-

Gryphiswaldensem & Professionem Philosophiæ publicam, ibique a. 1586. præstito usitato juramento, in numerum Professorum ordinariorum receptus est; referentibus *Annal. Acad. L. H. p. 297. (*)*

Ao. 1586. die 10. Sept. Decano PETRO FROBESIO, gradus Doctoris in jure Civili in Templo D. Nicolai ipsi collatus, solennitate nuptiali conjuncta, v. *Annal. acad. L. II. p. 304. b.* ipsi sacro ritu matrimoniali juncta fuit GERTRUD, EZECHIAE REICHII, Professoris Medicinæ suo tempore celeberrimi & Magdalenæ SCHWARTEN filia & GEORGH REICHII J. U. D. & Consiliarii Cæsarii soror. Mag. Georgii Reichii & Gertrudis Beck neptis. vid MICH. GERSCHOV. c. 1.

Ao. 1599. in ordinem Professorum juris transit, JACOBO STOPPELIO, qui paulo ante Professioni suæ renunciaverat, succedens. v. *Annal. acad. L. II. p. 305.* A quo tempore etiam de reditibus Facultatis participavit. Qua ex causa vero cum Antecessore suo lite implicitus fuit, ut sub vita STOPPELII observavimus. (**)

Ao. 1591. die Dyonisii M. Octobr. designabatur Rector academiae, sed durante Rectoratus munere sub nonas Januarii 1592. oppressus catharro, luem secuta est inflammatio hepatis, adeo, ut copiosiore sanguine e naribus & ore effluente, animam efflaverit, annum agens 36. In ejus funere quatuor Academiae sceptræ & alia insignia tumbæ prælata, & consolentiam suam novo & usitato exemplo contestari Collegæ superstites jubebantur. (***)

Filiam

(*) Apparet etiam ex dedicatione, tractatui suo de *Mora* præmissa, quod sub initio anni 1586. scilicet d. 22 April, quo die eadem subscripta, eum adhuc Wittenbergæ degisse, cum tamen in literis gratulatoriis JOACH. MYNSINGERI a Frundeck, tum temporis J.Cti. Helmstadiensis d. 17. Nov. ejusdem anni subscriptis & huic Tractatui in fronte appositis, jam Professor Gryphiswaldensis salutetur.

(**) In literis vocationis ducalibus, quibus OESTENIO Professio juris demandatur, legitur: *Das er sich eine gute Zeit her mit lesen und disputiren in materiis juridicis gelibet, auch nun fast 2 Jahr in dem Fürstlichen Hofgerichte denen relationibus mit beygewohnet.*

(***) Pompa, qua duo Academiae Rectores, D. Ezechias Reich & D. Johann Oesten fato functi in Rectoratu, ad tumulum deducti sunt, descripta in *Annal. Decanatus Philosoph. de 1591. seq. Corpus Rectoris nostri Dn. D.*

Filiam reliquit ANNAM, quæ a. 1607. nupta fuit JOHANNI GRUELIO, Senatori Gryphisw. Programma funebre in honorem ejus conscripsit JACOBUS RUNGIIUS, tunc temporis Rector, quod die 6 Februarii publicatum & forma patente typis impressum exstat; qui ipsum egregio hoc mactavit encomio, quod fuerit *Jureconsultus pietate, doctrina & virtute magnus, in Magistratu vigilans; in Professione sedulus & industrius; In consiliis felix, in vita & moribus vere pius.* Tumulatus est in Templo Nicolaitano & hac inscriptione a JOACHIMO STEPHANI cohonestatus:

JOHANNES OESTENIUS *J. U. D. L. L. Prof. a. 1591. Rector in Univers. Gryphisw. & Illustris Principis ac Dn. Dn. ERNESTI LUDOVICI, D. Stet. Consil. et. a. 36. in Rectoratu d. 3 Febr. 1592. pie obiit. Cujus corpus, lege mortis in sequestrum huic sepulchro impositum, jure fidei in Christum resurrectionem ad vitam singulis momentis expectat. v. Annal. acad. L. II. p. 315.*

JOH. HEUNIUS *cit. l. sequenti* elogio manes ejus profecutus:
*Parca, tuas dotes nimium propere invidet almīs
Musis, Magnus nam cito Rector obis.*

SCRIPTA

Quibus memoriam sui posteritati commendavit, sunt sequentia:

I.) *Synopsis Thesum ad materiam successionis ab intestato.* Witteb. 1583. 4.

II.) *Axiomata de jure dotium, ad disputandum proposita.* Witteb. 1584. 4.

III.) *Disp. ad Institutiones Justin. Ex quibus ego possideo:*
- *ad Tit. XIII. de usucap. & longi temporis præscriptionibus.* Resp. BERNHARDO a LANCKEN, Pomer. Witteb. d. 22. August. 1584.

- *ad Tit. XIX. de Ademt. & traslatione Legatorum.* Resp. DAN. RUNGIO. Witteb. 1585.

Disp.

Oesteni sepultum fuit in ade St. Nicolai; portabatur a Studiosis octo, & famuli Academia præferebant duo scepra, nigro syndone obvoluta, ad utrumque latus haratri ibant bini Professores, 1. D. Dan. Rungius, 2. Mag. Dav. Herlicius, 3. Mag. Paul Clingenbergius, 4. Mag. Dav. Rungius, deducentes ipsum usque ad sepulchrum. Eadem ratione quoque quondam deportatum fuit corpus Doct. EZECH. REICHII, Medici, mortis similiter in suo Rectoratu,

- *Disp. XXI. ex Tit. I. L. III. Inst. de hereditatibus, que ab intest. deferuntur.* Witteb. 1585.

- *Disp. de Actionibus.*

IV.) *Tractatus de Mora.* Witteb. 1586. Quem ut juvenis adhuc & vocatus Prof. Gryphisw. conscripsit. vid. *Ejus dedicationem, ad Principem Pomer. ERNESTUM LUDOVICUM directam, in fine.* Denuo edita cum præmissa epistola gratulatoria DR. JOACH. MYNSINGERI a Frundeck. Witteb. 1589. 4. plag. 19. Laudatur hoc opus & inter ea exempla Candidatorum, qui jus Justinianeum accuratis & exquisitis commentariis, acutis disputationibus & æquissimis interpretationibus illustrarunt & perspicuum fecerunt, iisque æternum sibi aucupati sunt nomen, sempiternum honorem, virtutum & doctrinarum præmium & comitem sibi conciliarunt, refertur a JOH. KANNENGISSERO in *Prodromo juris doctoralis. Assert. IIX.* quæ agit de *Juris Candidatis.* Helmstadt 1647. 4. edito.

V.) *Disp. de Divisione juris, enunciata ex V. Ethic. Aristot. & ex Tit. I. Inst. de Just. & jure L. I. §. jus naturale, cum sq. & concordantibus.* Resp. CHRISTIANO TYDEN, Grimma Pomerano. Gryphisw. 1587. 1 plag.

VI.) *Disp. inauguralis de eo, quod interest.* Præside PETRO FROBESIO. Gryphisw. 1588. 1 plag. 4.

Eodem adhuc anno in forma tractatus in 8. eam recudi fecit, ut annus subjectus literis dedicatoriis, ad Magistratum Demminensem directis, testatur; quamvis a. 1589. Titulo sit impressus. Præmissa quoque est litera gratulatoria JOACH. MYNSINGERI, quæ ad Auctorem, occasione Libri prioris de *Mora* scripta erat. Thesis autem 46 in hac nova editione omissa est. Deinde autem sequitur integer Tractus, quo hæc materia de *eo, quod interest*, uberius delineata, & continet 16 plag. Adjecta insuper oratio de *jure scripto ac æquo bono &c.*

VII.) *Oratio de Jure scripto ac æquo bono, utrum plus valeat.* in celebri Acad. Gryphiswaldiana publice die receptionis a. 1586. recitata, Typis impressa adjecta est ejus Tract. de *eo, quod interest.* Gryph. 1589. in 8. 4. plag.

XXI. DANIEL RUNGIUS Gryphiswald.

J. U. D. & Prof. Ordin. Principis Consil. & deinde Cancellarius.

Natus est Gryphiswaldiæ 1561. d. 7 Sept. Patre JACOBO RUNGIO, summo illo Pomeranorum Theologo, Superintend. Gener. & Matre CATHARINA GERSCHOVIA Mag. ANTONII GERSCHOVII & AGNISÆ STEINWEHRIS filia. v. MICH. GERSCHOV. c. l. n. 169. Statim a primis annis in claritate generis ac virtutum paternarum acquiescere nolebat, potius eandem eruditione propriisque virtutibus augere studebat. Utriusque enim linguæ sermonibus adeo edoctus fuit, ut cum bene juvenis in Patria Academia subsidio linguarum & moralis Philosophiæ sine ulla difficultate in Jurisprudentiæ adyta penetraverit, in Academiam *Basiliensem* se conferens, ibidem anno ætatis 26 Juris utr. D. solenniter creatus fuerit.

Anno 1588. d. 14 Nov. sub Rectoratu CHRISTIANI CALENI, Med. Doct. in locum Oesteni, qui ex Facult. Philosophica in juridicam transibat, in numerum Professorum Oratoriæ cooptatus. vid. *Annal. acad. L. II. f. 306.* Platonis scripta & Aristotelis præcepta ad Nicomachum Ethica, non sine admiratione audientium græca lingua proposuit. Interim non minus curæ ac studii jurisprudentiæ impendit. Oestenio deinde mortuo ejus locum in Facultate juridica vacuum a. 1592. occupavit. v. *Annal. acad. cit. l. p. 315.*

In Rectorem Acad. electus a. 1595. d. 22 Oct. v. *Annal. acad. cit. l. p. 324. b.* GERSCHOV. *cit. l.* perinde cum probe sciret, omnem scientiæ juris vim non tam in contemplatione legum, quam expeditione controversiarum consistere, civilibus undis etiam se committebat & causis in foro agendis operam volvit. Fuit sane ejus domus oraculum civitatis. Nunquam ille juventuti solida interpretatione in causarum justa decisione: nunquam judicis aulicis, nunquam Clientibus in causarum defensione defuit. Magnus eruditione, major probatio inventus est. Thori sociam sibi elegebatur ILSABE MARIAM, THOMÆ MEVII Jcti ac Prof. juris in hac Acad. ordinarii & Annæ Falcken filiam. v. GERSCHOV. *cit. l. n. 169.* Non potuit tanti Viri industria eruditio, prudentia, angustis illis privatiæ vitæ terminis includi: Quare

b

illust

X
Illust. Princeps PHILIPPUS JULIUS fama ejus permotus eum intimioribus consiliis & Archivi secretis a. 1603. adhibuit. Mox a. 1607. Cancellis, summo Aulæ officio, præfuit. Quem supremum itineris apicem inter Palatinas cæsareas dignitates per integros 17 annos, non sine laude eaque summa, obtinuit; dum semper eo animum intendit, ne dissensionum inter Principem subditosque materies suppeteret. Exortas similtates ubi suppressere non potuit, ne tamen in nervum erumperent, moderatis ac salutaribus suis consiliis effecit. Imprimis ultimis iisque valde conclamatis temporibus, quæ ut universæ Germaniæ, sic & Patriæ nostræ valde infesta apparebant, & ultimum fere exitium minarentur, omnia sua consilia in Patriæ & Principis sui utilitatem convertit; quod inde colligendum, quod fere solus Principi svafor fuerit, ut societatem istam, Patriæ aliquando luctuosam futuram, toto animo averfaretur viamque mediam ingrederetur, Imperatoriam Majestatem omni obsequio coleret, Germaniæ tamen Principibus se non opponeret, nec alienam litem suam faceret; quo salubri consilio non ratione prudentius, quam eventu felicius, Imperatoris invictissimi amicitiam suo Principi conciliavit & hostilem impetum ab hac Provincia dum ipse videret felicissime avertit.

Cum eum jam urgeret Climactericus ille magnus, qui multo labore, multis curis publicis, multis itineribus, multis Aulæ melestis fatigatum, imo exhaustum ejus corpus tandem lecto affixit, omnes non tantum corporis vires, sed etiam animi vigorem adeo prostravit, ut prisca cum valetudine in gratiam redire non potuerit. Quare ab Illust. Principe suam honestam missionem efflagitavit, quam etiam paucis ante Ducis obitum mensibus impetravit. Remisit quidem deinde non nihil morbi vehementia, Symptomatum vero malignitas, imprimis auditus gravitas, permansit. Tandem vero morte succumbens, animam Deo reddidit anno, qui vertebatur 1629. d. 27 Jan. ætatis 67. an. 5 mensium & 20 dierum. Programmate funebri eum cohonestavit FRID. GERSCHOVIUS, Juris in hac Acad. Professor, publice affixum d. 10 Febr. & typis forma patente impressum exstat. Concionem funebrem habuit b. BARTHOLDUS de KRACKEWITZ, Gen. Superint. quæ una cum adjectis personalibus, seu curriculo vitæ, typis

typis publicis in 4. excusa exstat. Ex programmate funebri recensionem vitæ ejus instituit HENR. WITTE in *Diario biographico Actorum*, & ex eo MENCKENIUS, seu potius JÖCHERUS, in *Lexico eruditorum*. HEUNIUS *cit. l. sqq.* elogio memoriam ejus profecutus:

*Theiologi magni sibi præclare Themistes
Mista, aule ac nostræ luxque decusque scholæ.*

Quod ita verti poterit:

**Des grossen Ringens Sohn, du theurer Rechts-Gelehrter,
Dein Licht macht Hof und Schul noch heller und geehrter.**

Familiam ejus recenset b. DAN. CRAMERUS in *Chron. ecclesiast. Pomer. L. IV. Cap. XVII.* MICRAEL. in *Chron. Pom. L. V. p. 117.* & Frater charissimus in der 2ten Sammlung zur Pom. Kirchen-Historie gehöriger Sachen p. 637.

SCRIPTA,

quæ ipsi immortalitatem conciliarunt, prostant sequentia:

- I.) *Historia Philosophiæ Græcorum.*
- II.) *Dispp. quædam philosophicæ.*
- III.) *Dispp. quædam Juridicæ.* vid. M. GERSCHOW. c. I.

XXII. AUGUSTINUS RHAW. Gryphisw.

J. U. D. & Prof. nec non Consil. Principis primarius.

Hereditarius in Borantshagen.

Natus est a. 1573. patre Viro rever. BALTHASARE RHAW D. Theol. & Prof. græcæ linguæ. (*) Matre ANNA SCHURFFIA, inclyti Jcti Witteb. AUGUSTINI SCHURFFII filia. (**) Avo vero JACOBO, Consule Naumburgensi in Silesia in Ducatu Javerensfi.

b 2

Avia

[*] Nauenburgensf, e Silesia, Philof. Mag. a. 1563. cum Duce Ern. Ludovico ut Informator Witteb. abiit. v. *Annal. acad. L. II. p. 229.* Unde redux a. 1556. in Professore Philosophiæ & a. 1564. d. 28 May. Theol. Doctor renunciatus. v. *Annal. acad. L. II. p. 288.* mox in numerum Theol. Professorum cooptatus. v. *Annal. c. l. f. 290.* Denar. Gryphisw. 1607. d. 30 Dec. an. æt. 74. Cujus vitam recenset CRAMER in der Pom. Kirchen-Chronic. L. IV. p. 125. WITTE in *Diario biographico*. JÖCHERUS in *Lex. eruditor.*

(**) Vid. Program. funebre, in obitum ejus nomine Rectoris- & Concilii concepitum a. 1622. d. 5 Martii in fol. & forma pat. Qua occasione simul prodiit *Genealogia Schurffiana*, cui etiam inserta *Rhauiana* & speciatim descendentes nostri AUGUSTINI.

AVIA MARGAR. SCHEFEERT. PROAVO MICHAELE RHAU, Con-
sule itidem Naumburgensi. Ex octo filiis, ante parentes defunctos,
unicus hic fuit superstes. v. M. GERSCHOW. c. l. n. 162.

Primo quidem in Gymnasio Sedinensi ad tempus commo-
ratus; Deinde a. 1589. Rectore PETRO CLINCKENBERGIO Aca-
demiae patriae Civis factus est. v. *Annal. acad. L. II. f. 308.* Pos-
tea Wittebergæ, Ingolstadii, & Heidelbergæ juris studio solerter
incubuit, ejusque praxin in summo S. R. Imperii Dicafterio, quod
Spiræ Nemetum est, feliciter observavit. De Consilio quoque
& voluntate Parentum peregrinationem subjunxit, & celebri-
ores Germaniæ urbes, easque cum primis, quæ scholis regiis claræ
sunt, ita perlustravit, ut ex variis diversorum locorum ac Natio-
num moribus, ut & distinctis Rerumpubl. formis ea studiose an-
notaret, quæ sibi & Patriæ usui aliquando fore, judicabat.

A. 1597. cum 24^{to} ageret annum, domum a suis revoca-
tus & paulo post eodem adhuc anno d. 13 Aug. in numerum ex-
traordinariorum Professorum juris hujus Academiæ patriæ
cooptatus est. v. *Annal. acad. c. l. p. 327.* (*) Quam spar-
tam, ut majori auctoritate ornaret, supremos in utroque jure
honores in Academia Wittebergenfii suscepit.

De hinc anno 1599. animam ad matrimonium adjecit, jure-
que connubii secum junxit MARIAM WESPHALIAM, Doct. HER-
MANNI WESTPHALI, Directoris judici Wolgastani (**), & MAR-
GARETHÆ CLINCOVIÆ filiam. vid. MICH. GERSCHOW. c. l.

A. 1600. d. 15 Febr. cum illustriff. Principis JOH. FRIDERICI.
d. 9 Februarii pie defuncti, corpus Sedinæ magna cum solennitate
humaretur, & eodem die Academia cum Senatu urbano paren-
talia celebraret, noster AUGUST. RHAU, loco Patris BALTHASA-
RIS, orationem publice recitavit. v. *Annal. acad. ad b. a.*

A. 1603. d. 19. Nov. in Rectorem Academiæ electus; v. *An-
nal. acad. ad b. a.* MICH. GERSCHOW. c. l. A. 1604. ad priores
dignitates & munia hoc etiam accessit, quod ab illustriff. & cel-
fissima

(*) Quæ lites hoc tempore eaque occasione, qua AUGUST. RHAU ædes
ad Facultatem juridicam olim pertinentes & a Facultate Philosophica per
aliquod tempus possessas repetierit, exorta fuerint, videre licet ex supra
allegata historica relatione, quam nuper in publicum emisi, von denen
Academisches Gebäuden. pag. 24.

(**) Cujus vitam supra Num. XIX. descripsimus.

ſiſſima Vidua Loitzenſi ad conſilia ſecretiora adhibitus fuerit. A. 1608. d. 18 Nov. ſub ejus Decanatu & Præſidio JOH. JEGERUS, Roſtochienſis, publicam ventilavit Diſput. inaug. in Hypereo Curia Civitatis, & die 22. (*) ipſo Brabeuta ſolemnis peragebatur creatio hujus Candidati in Doctorem juris. v. *Annal. acad. L. II. ad b. a.* GERSCHOV. c. l. A. 1611. d. 13 Oct. denuo Rectoratus munus ipſi delatum eſt. v. *Annal. acad. L. III. p. 60.* & GERSCHOV. c. l. & ſeq. ac d. 14 Oct. ſedulo id urgentibus Collegis, Magiſtratum academicum in ſua perſona prorogari paſſus eſt. v. *Annal. acad. c. l. pag. 64.* A. 1614. denuo inauguralem Diſputationem habuit & Dn. JACOBUM HASERTUM in Doctorem juris promovit. v. *Annal. c. l. p. 75.* A. 1619. a Duce PHILIPPO JULIO ab Academia avocabatur & Conſiliariis, caſtrum ducale perpetuo concomitantibus, clementi vocatione aſſociebatur. (**). Huic vero gravifſimo muneri & mundo valedixit. a. 1621. (***)

Ex conjuge ſua ſuſcepit 9 liberos, utpote 6 filios & 3 filias, inter quas *Agnifam*, quæ in teneri ætate annum, & quod excedit, ſuperatam a. 1621. d. 6 Martii ante ſe in æternitatem dimiſit. (†) Ex illis vero præ cæteris inclaruit BALTHASAR RHAU Prof. Philoſ. deinde Theol. Licent. & Profeſſor nec non Paſtor Eccleſiæ Marianæ hic Gryphiswaldii. (††) b 3

(*) Quo ipſo tempore Gryphiswaldenſes militari modo & magno numero erumpentes captivum homicidam, quam Capiteus Hildenſis ante in Principis territorio a Senatu captum ex Præfectura portus Civitatis vi in Monafterium abduci curaverunt, iterum inde abduxerunt, & deinde neci adjudicatum, decollarunt. Quæ res maximas inter Principem & Civitatem dedit; unde etiam ad univerſitatem haud parum incommodi redundavit; referentibus ita *Annal. acad. c. l.*

(**) Hoc inde colligitur, quoniam ab hoc tempore ejus in Annalibus acad. nulla fit mentio; & in allegato Programmate funebri, quod matri ejus a. 1722. ſcriptum, dicitur: *eum per annos aliquot legitime in Aulam Wolfgangianam vocatum Conſiliarium Principi illuſtriſſimo intimum; Reipublicæ Pomeranorum exoptiſſimum, ſalutarem forte, ubi ſupervixiſſet.*

(***) Programma funebre in obitum ejus conſcripſit BARTH. KRAKEVITZIUS, Gen. Superint. Carmina funebria in forma 4. prodire.

(†) Programma funebre compilavit Barth. Krakewitz, publ. d. 19 Martii 1621. & typis publ. fol. forma pat. impreſſum exſtat. Carmina lugubria amicorum in 4. edita; proſtant quoque alia ejusd. generis in folio unius plagellæ, quibus pag. ultima adjecta deprehenditur *Tabula Genealogica Familiæ Rhauianæ.*

(††) Vitam ejus recenset WITTE in *Memoriis Theol.* & JöCHER in *Lex. Erud.*

Jo. HEUNIUS c. I. sequens nostro cecinit Epicedium.

Tu, lumen Themidos splendens, pars digna Lycei

Subriperis nostris quam cito consiliis.

SCRIPTA,

quæ mihi innotuere & a me possidentur, sunt sequ.

I.) Disp. inaug. de *Homicidio*. quæ est Inaug. JOH. JEGERT, Gryph. 1608.

II.) - inaug. ad *L. 2. C. de Rescind. Vend.* Resp. JACOBO HASERD, Gryph. 1614.

Propero jam ad recensionem vitæ ipsius CANDIDATI, ex sorore mea germana nepotis mei dilectissimi, inveniet hic in vitis tantorum virorum, facem ipsi in tramite virtutis ac studiorum præferentium, quæ sectetur & in usus suos convertat, abunde. Nec quoque spes me destituit, fore ut per eodem gradus virtutis honoris fastigium sit ascensurus. Novimus eundem omnes, novimus erectam ejus & ad virtutem compositam indolem, novimus mores atque eruditionem ejus, cujus non una vice edidit specimina publica privataque. Nec opus esse censeo hic præconem virtutum ejus agere, cum res ipsa loquitur; Tu ipse, B. L. asserti æquus esto judex. En vitæ ipsius curriculum, quod, uti ipse illud concepit mihi que exhibuit, tecum communicaturus sum:

Lucem primum adspexi hic Gryphiswaldiæ anno hujus sæculi vigesimo secundo. Patrem JOHANNEM ABRAHAMUM MAYERUM, Medicinæ Doct. & Prof. Ord. in tenera mea ætate adverso fato mihi ereptum, Matrem vero BARBARAM CATHARINAM, b. Dn. D. JACOBI BALTHASARIS, Consilarii Reg. Meckl. filiam, ante annum & quod excurrit morbo consumptam, Avum vero J. FR. MEYERUM, Gen. Superint. veneratus.

Per baptismum in gratiam divinam receptus, crescentibus annis curante Matre, dum in vivis esset dilectissima, primum privati præceptoris institutioni tradebar, cum in finem, ut principis nostræ pariter religionis, ac literarum humaniorum erudirer, profectiore ætate autem, Senatoriam hanc scholam adire iussus, in ea per aliquot annorum intervallum Virorum, de Schola hac optime meritorum, institutione usus sum.

Anno currentis sæculi trigesimo nono, cum in album Studioforum Gryphiswaldensium a Rectore Magnif. Dn. CHRISTIANO STEPHANO SCHEFFELIO, Med. Doct. & Prof. ord. in hac Academia longe cele-

bocri-

berrimo inscriptus essem, per sex integros annos ab hoc tempore, manuductione Virorum hanc Mularum sedem ornantium, & supra omnem meam laudem positorum, in studiis Philologiae & Jurisprudentiae gavissus sum. Praeripis vero praelectionibus philosophicis S. Rever. Dn. Doct. & Prof. Theol. ord. LAURENTII STENTZLERI, t. t. Prof. Log. & Met. ord. ut & Excell. Dn. ANDREAE MAYERI, Math. & Phil. Prof. ord. sedulo interfui, saepius etiam in adjunctis exercitiis disputatoriis partes opponentis aut respondentis sustinui. Jurisprudentiam romanam, ecclesiasticam, feudalem & criminalem, nec non jura Patriae explicantes audivi supremi Sacrae Regiae Majestatis Sueciae in Germ. Tribunalis Perillustrem Vice-Praesidem Dn. H. H. ab ENGELBRECHT J. U. Doct. & t. t. Professore ord. & R. Consistorii Assess. sub cujus ductu, nonnullas exercitationes ejus in Institutiones Justinian. ab ipso conscriptas, vel defendendo vel oppugnando, in arte disputandi exercitatus fui. Praeterea in excolendo jure tam civili, quam patrio totum me tradidi solidissimae institutioni Generosiss. Dn. Praesidis, Avunculi mei, ea qua decet pietate colendi, nec minus Praenobiliss. Dn. J. B. ENGELBRECHTI, J. U. Doct. Facult. jurid. Adjuncti & Universitatis Syndici dexterrimi, sub cujus etiam praesidio Diff. de *Mutuo conjugum concursu, ad solvendum aes alienam, ab alterutro ante nuptias constatum. ad Art. VII. Tit. V. L. I. Statuti Lubecensis*, publice e Cathedra acad. defendi; saepenumero quoque rogatu respondentis disputationibus publicis opponendo vires periclitatus sum.

Anno currentis saeculi quadragesimo sexto Academiam *Hallensium* salutavi, per biennium ibidem commoratus, ut tam Philologiae, quam Juris studia, eo magis excolerem; In illis praeripis habui Excell. Dn. G. F. MEIERUM Philos. Prof. ord. nec non Excell. Dn. KRÜGERUM, Philos. ac Med. Prof. cujus lectionibus philosophicis ac Physicis sedulo interfui. In Medicina legali docentem audivi Doct. & Prof. Chirurgiae BASSEN; praeterea in studio juris, quod primarium studiorum meorum scopum mihi constitueram, multum profeci ex Illustr. BOEHMERT, J. C. t. suo tempore Principis, praeripis in suam *Comp. J. Civilis ac Canon.* Excell. KNORRIUM Historiam juris & jurisp. judicalem, Excell. CARRAGGIUM artem relatoriam illustrantes audivi. Imprimis ob methodum, qua in proponendis juris veritatibus, utebantur Dn. DAN. NETTELBLADT, Doct. & Prof. ord. Regis Bor. Conf. Aul. GUST. BERNH. ut & OTTO DAV. HENR. Fratrum BECKMANNORUM J. Doct. jam Professorum in Alma Gœttingensi extraord. sedulo interfui scholis, illisque viam monstrantibus, non
solum

solum Jurisp. naturalem, Jus Publ. J. R. G. sed omnes quoque reliquas jurisprudentiæ positivæ partes lustravi, quæque dubitatione quadam perceptoram, per quotidiana, quæ humanissime ab illis mihi concessa erant colloquia familiaria, quibus, ultro citroque de veritatibus ab ipsis propositis disputabatur, eruditus altius imbibere studui.

Anno quadragesimo nono in Patriam reversus, jussu & svasu Cognatorum & Amicorum Ampliff. Facultati juridicæ ad capiscendos summos in jure honores, more solito, nomen meum professus, gratiosissime ad ea quæ Facultatis statuta Candidato injungunt, præstanda admissus sum. Quumque veniam ab Ampl. Facultate juridica, cui me pro hoc favoris documento obstrictissimum profiteor, nactus essem, hæctenus Nobilissimis ac suavissimis Dn. meis Commilitonibus, jurisp. naturalem & positivam explicando operam studiumque meum impendi: Restat adhuc, ut Disp. inauguralem, de *Lue pecorum* &c. cujus limites, natura disputationis, ipsum Thema, & præfens mea conditio, constituunt, publicæ disquisitioni submittam. Benignissimum autem Numen, ut his ulterioribusque meis conatibus faveat & ex alto benedicat, summis & ardentissimis precibus imploro.

Ex hac ipsa recensione facile colligere licet, quam multis vigiliis multisque sudoribus Musarum castra secutus fuerit Dn. CANDIDATUS, qui tam discendo quam docendo vires ingenii sui exercuit; jam in eo est, ut in publica Eruditorum Palæstra Athletam se præstet, dissertationem non inutilem nec inelegantem de *Remissione Mercedis in Locatione Prædiorum rusticorum, ob ingens damnum ex lue Pecorum Conductori cortingens*, publice examini eruditorum submissurus ejusque defensionem contra oppugnationes suscepturus; quo actu finito & publice laborum ac studiorum præmia ipsi conferenda erunt.

Cui solennitati, Musis ipsis faventibus, ut præsto sit MAGNIFICUS ACADEMIÆ RECTOR, *Generosissimus Dn. Director Dicastrii Regii, utriusque Collegii Procere Generos. Excellentissimi*; nec non *Ampl. Senatus & Reverendi Ministerii Membra, & omnis Studioforum cohors*, suaque præsentia eandem solenniorem reddere velint, omni qua decet humanitate, contendo.

P. P.

SUB SIGILLO FACULTATIS JURIDICÆ.


DIE XXVI. JUNII MDCCLI.

33. Malthasar, pragm. vna Lupa dau Kwaützi quoy Episki.
34. Malthasar, pragm. vna Lupa von Cuißnast Episki.
35. Triber, de excussione Sinistrarum, nam Sustran Cuißnast Episki.
36. Triber, de clausula codicillari.
37. Tresenreuter, de his qui heredes institui prohibentur.
38. Trues, de superstitionis conditoribus et propagatoribus.
39. Trues, logomactia in iuris naturae doctrina.
40. Trues, de decore gentium circa belli initia.
41. Trues, de auctoritate et fide gentium et republ.
Vam Credit dau Willhar und Kautae.
42. Tribbechovius de commerciis.
43. ——— ——— ——— ———
44. Toler, de iure stipulae civitatis Francofurtanae ad Viadrum.
45. Trier, de officio Ordinarii in academiis.
46. Troppanneger, de potestate electorum et principum imperii circa ius nobilitatis subditis suis conferendis.
47. Troppanneger, de dote non promissa praestanda.
48. Troppanneger, de momento temporis.
49. Melis, an fideicommissarius suorum rerum fidei commissariam dominus sit, proptereaque non ex venditione aut permutatione rei fidei commissae acquisitam licet fuerit, a possessore inter medio gravato, postmodum alienata nihilominus tanquam rem fidei commissae subjectam, a tertio possessore vindicare possit.

50. Helis, ^{jure} de separatione in concursu Creditorum et utrum
huc jus in Salsatia superiori etiam post quinquennium locum
habeat.
51. Helis, quousque parentibus licitum sit liberis suis hereditatem de-
trahere et quid ad voluntatem parentum maxime nuncupati-
onem probandam requiratur?
52. Helis, si quis nomen ipsum sub condit. evictiois accipiat, an
et qualem actionem habeat accipiens, adnegat. eidentem periculo existen-
te: etc.
53. Helis, in quantum et quibus modis uxor pro marito valide se obliga-
re queat? et quid hac in re cum primis in Salsatia superiori sit
jus?
54. Helis, quousque superstes conjux, altera parte defuncta, in hono-
rum recuperatione defendi, eaque ipsi competere queat?
55. Helis, an foris cum tertio contractus beneficium divisionis
gaudeant?
56. Hoffmann. de origine, progressu et natura juris prudentiae
criminalis germanicae.
57. Hoffmann, de revocatione testamentorum ex juris germanici
principiis explicata.
58. Hoffmann de coemeteriis ex urbibus tollendis, non vbiq. Salsatia
in Gottelradus nial dau Hütten.
59. Hoffmann. de communiōis bonorum conjugum non nati-
ra atque principiis.
60. Hoffmann, de jure separandi allodium a fundo
61. Hoffmann, de donationibus propter nuptias.
62. Hoffmann, de jure consuetudinis.
63. Hoffmann, de die ac nocte nuptiali, non vbi Salsatia
in vbi Salsatia.

64, Hoffmann, nuptiarum secundarum tempora . in calypso
Znit nona qua madama C^{te} P^{ro}nitau C^{te}ma
65. Hoffmann, observationes quaedam testamentariae.





the scale towards document

ATIONIBUS PROPTER NUPTIAS.

rente lib. 6. de bell. Gall. c. 19. proditum:
ntas pecunias ab uxoribus dotis nomine acce-
tis bonis, æstimatione facta, cum dotibus com-
omnis pecuniæ ratio conjunctim habetur, fru-
ter eorum vita superarit, ad eum pars utrius-
uperiorum temporum pervenit. Si hæc testi-
ta sunt, si nimium exigimus ab ætate, qua
enta aut latebant, aut negligebantur, mi-
quod non vel ex sola nativa & domestica
um jurium, quæ in nuptiis observantur,
nt, morum illorum rationes non ex san-
rum, sed patriis consuetudinibus esse pe-
ebant tot germanica nomina & verba, quæ
niam pervenisse, aliquem somniare pos-
debatur. Huc referenda MORGEN-
ALITIUM, DONARIUM, GE-
eist aliaque quæ vel ex ipso sono originis
facile deprehendi potuissent, nisi illo tem-
i artificio fuisset habitum, Germanorum
ntiæ romanæ inferre & in ea primam ge-
ficiem perdere. Hæc in præsentī mate-
nstrari possent, si liberum esset ad specia-
& in diversam DOTIS GERMANI-
ONUMQUE CONJUGALIIUM
nirere. Id vero nostrum jam non pati-
rsipientibus, quam vastus & difficilis hic
nem paucis & angustis dissertationis aca-
bsolvere, non permittitur. Placuit in alla
is acquiescere, & de eo tantum, quod
identia DONATIONEM PRO-
TIAS appellare solet, paucis dixisse.

F I N I S. CON.